

Wiehnachten bi de Deerten

Kiek, dor sitt se all tohoop,
Göös un Höhner, Zeeg un Schoop,
Hunnen, Katten, Swien un Peer,
sülvst de Duven fleegt dorher.

Kolt is buten in de Nacht,
doch dor bimmelt een ganz sacht.
Liesen rohrt de ole Koh:
„Wiehnacht is, nu west man froh!

Seht dat Licht dor vör de Dör!
Wiehnachtsmann steiht al dörvör!“
Un he snüvt un pustet dull;
denn sien Sack is drall un vull.

Groot de Stevel, swoor sien
Schritt,
bringt för jedereen wat mit.
Stellt 'n Dann'boom in den Stall,
Lichten glinstern överall.

All tohoop de Deerten singt,
Wat nah Wiehnachtsleder klingt.
Wiehnachtsmann, de freit sik dull,
packt den Sack ok nächst Jahr
vull.

(Heidrun Schlieker)

